

29. 02. 2016

UPA 2016/142

Inatsisartut suleriaasiat § 33 immikkoortoq 1 naapertorlugu matumuuna inatsisartunut aalajangiiffigisassatut siunnersuut imaattoq saqqummiuppara.

Upernaakkut 2017-mi ataatsimiinnissamut ilaqtariit pissakinnerusut akunnattumillu aningaasarsiallit nammineerlutik illutaarsinnaaneratt pillugu Naalakkersuisut suliniuteqaqqullugit inatsisartut aalajangiiffigisassaattut siunnersuut.

(Inatsisartunut ilaasortaq Anthon Frederiksen, Partii Naleraq).

Tungavilersuut:

Tamanit ilisimaneqarpoq ilaqtariit inuillu ataasiakkaat SIK-p isumaqatigiissutai naapertorlugit akissarsiallit namminerisaminnik illutaarnissaminnut periarfissaqanngitsut aamma ilisimaneqarpoq ilaqtariit aningaasarsiakinnerusut bank-i aqutigalugu aningaasanik attartornissamut akuerineqarsinnaasannngitsut.

Tassami nunatsinni naatsorsueqqissaartarfiup kisitsisaatai naapertorlugit ilaqtariit ukiumut 150.000,- kr-it tikiinnarlugit isertitaqartartut 20.000-it sinneqartut.

Tassa inuiaqatigiit 1/3-ii sinnilaarlugit amerlatigisut namminerisaminnik initaarnissamut illutaarnissamulluunniit periarfissaqanngivissortutut oqaatigineqarsinnaapput.

Kisianni illua-tungaaticut inuit ilaqtariillu aningaasarsiakkaat aningaasanut inatsisikkoorlugu inuiaqatigiit akileeqaataaffigisaanik inissianik illumilluunniit pisisinnaanerminnut periarfissaqartinneqarput.

Aamma tamanit ilisimaneqarpoq maannamut ilaqtariippassuit inissianik attartortittakkanik akiliisinnaajunnaarneq pissutigalugu anisitaasartut amerlingaluttuinnartut.

Partii Naleqqamiit isumaqarpugut inuit ilaqtariillu pissakinnerusut nammineerlutik illutaarsinnaanerannut periarfissanik pitsaanerusunik periarfissiisariaqartugut.

Matumani siunnersuutigarput annikitsunik ernialerlugit illutaarsinnaanermut periarfissaq, boligstøtte siusinnerusukkut periarfissaasimasoq eqquteqqinneqassasut imaluunniit nunaqarfinni isorliunerusunilu namminerisamik illutaarsinnaanermut periarfissanut assigusumik aaqqissuussisoqartariaqartoq.

Aamma isumaqarpugut ullumikkut nunaqarfinni isorliunerusunilu namminerisamik illutaarnissamat akiuteqaqqaarnissap annertussusilertarneri nalilersoqqinneqartariaqartut.

Tassami kikkulluunniit toqqissisimanartumik najugaqarnissamat periarfissaqartariaqarput, minnerunngitsumik illumik inissiamilluunniit inuit ilaqutariillu akissarsiakkitsut artorsinngikkaluarlugit ingerlanneqarsinnaasunik.

Siunnersuutip aningaasatigut allaffissornikkullu kingunerisassai:

AC fuldmægtigitut atorfillit ataatsip ukiup affaanut akissarsiassaasa nalingi.